

nach der Geburt halten sollen. 73

sollen/ daß sie wollē gedultig seyn/ Gott
dem HERRN stille halten/ ihm allein
vertrauen / daß er endlichen ihnen alle
ire wehen vnd schmerzen mit eitel freus
de ergezen vnd erstatten werde/ Auch bes
dörffen die lieben Weiber wol trostes in
der schmerzlichen Kindergeburt / denn
es oft hart mit inen anstehet/ daß sie sich
abgearbeitet in der geburt/ vnd ihnen nit
mehr helffen können/ daher sie gar traw
rig/ Kleinmütig vnd verzagt seyn/ daß sie
meinen/ sie vnd das Kind müsse bleiben/
da sol man sie trösten mit der Allmech
tigkeit Gottes / daß im nichts vnmüglic
hen / daß er der rechte Nothelffer sey/
der da helffen kan/ da sonst alle mensch
liche hilff auß ist. Auch wenn die Wehes
mütter sehen vnd mercken / daß es Gott
der HERR mit den geberenden Weis
bern anderß schicken wil / daß sie jr leben
darüber lassen müssen / da sollen sie dies
selbigen nur zu Christo Ihesu weisen/
daß sie an in von herten gläuben/ vnd in

R sol